

आकाशवाणीखबरां

1. केंद्री गृह मंत्री अमित शाह होरें सिलीगुडी च मौजूद सशस्त्र सीमा बल दे मुख्यालय च 189 करोड़ रपे दी केई परियोजनाएं दा उद्घाटन कीता ते नीह पत्थर रक्खेआ।
2. भारत ते ब्राजील नै पुणे च ब्रिक्स आई.सी.टी मीटिंग दरान अगेत्री प्रौद्योगिकीं च डिजिटल काहडें ते सहयोग गी बढ़ावा देने आस्तै इक समझौता पत्र पर दस्तखत कीते ना।
3. सुप्रीम कोर्ट नै प्रवेश स्तर दी न्यायिक सेवा म्तेहानें आस्तै 3 बरें दी वकालत दे अनुभव गी घटाइयै इक ब'रा करी दित्ता ऐ।
4. वाणिज्य ते उद्योग मंत्री पीयूष गोयल होरें सिंगापुर कन्नै आर्थिक सांझेदारी गी होर मजबूत करने आस्तै भारत दी बचनबद्धता गी फही पक्का कीता ऐ।
5. अमरीका नै इरान पर सख्त थमां सख्त प्रतिबंध लाने दी चेतावनी दित्ती ऐ।
6. ते भारती जोड़ी ट्रीसा जाली ते गायत्री गोपीचंद बीडब्ल्यूएफ विश्व चैंपियनशिप दे महिला डबल दे सेमीफाइनल च पुज्जी गेइयां ना।

<><><><><><>

HM-Project

गृह मंत्री अमित शाह होरें अज्ज पच्छिम बंगाल दे सिलीगुडी च सशस्त्र सीमा बल एसएसबी मुख्यालय च तकरीबन 189 करोड़ रपें दी लागत दी कई विकास परियोजनाएं दा उद्घाटन कीता ते नीह पत्थर रक्खेआ। जवानें गी संबोधित करदे होई शाह होरें आखेआ जे जदूं दी केंद्र च बीजेपी दी सरकार आई दी ऐ, सीमा सुरक्षा च लग्गी दे सुरक्षाकर्मिं दा कल्याण सरकार दी पैहली प्राथमिकता ऐ। उनें जोर दित्ता जे एसएसबी नेपाल ते भूटान जनेह देशें कन्नै लगदी सीमाएं दी सुरक्षा दी चनौतीपूर्ण जिम्मेदारी गी निभा'रदी ऐ।

<><><><><><>

India-Brazil MOU

भारत ते ब्राजील नै दूर संचार ते सूचना ते संचार प्रौद्योगिकी आईसीटी दे खेत्तर च सहयोग बढ़ाने आस्तै इक समझौता पत्र पर दस्तखत कीते ना। दूर संचार विभाग नै दस्सेआ ऐ जे समझौता ब्रिक्स आईसीसीटी मीटिंग थमां बक्खरा होआ। दूर संचार विभाग नै सोशल मीडिया पोस्ट च आखेआ जे एहू समझौता डिजिटल नवाचार गी बढ़ावा देग। पुणे च आयोजित 12में ब्रिक्स संचार मंत्रिं दी बैठक थमां बक्खरे केंद्री संचार मंत्री ज्योतिरादित्य सिंधिया ते ब्राजील दे संचार मंत्री फ्रेडरिकी डी सिक्रेटा फिल्हो दे बश्कार एहू समझौता होआ। एहू समझौता पत्र दूर संचार डिजिटल बुनियादी ढांचे ते उभरदी प्रौद्योगिकीयें दे क्षेत्र च बवस्थित सहयोग आस्तै इक रूप-रेखा बी प्रदान करदा ऐ। इस भ्याली दा मकसद दौनें देशें च समावेशी, सुरक्षित ते मजबूत डिजिटल बवस्था गी बढ़ावा देना ऐ।

<><><><><><>

SC-Legal Practices

सुप्रीम कोर्ट नै अपने मई 2025 दे फैसले च संशोधन करदे होई न्यायिक सेवा म्तेहानें कन्नै सरबन्धत ला ग्रेजुएट्स आस्तै लाजमी 3 बरें दी वकालत दी अवधि गी घटाइयै इक बरे दी करी दित्ती। कोर्ट नै इस बारै अपने पिछले बरे दे फैसले च संशोधन कीता ऐ। मुख न्याधीश सूर्यकांत ते न्यायमूर्ति ए. सी मसीह ते के विनोद चंद्रम दी पीठ नै पुनः समीक्षा गी खारिज करदे होई दो-इक्क कन्नै फैसला दित्ता। पीठ नै आखेआ जे 25 मई 2025 थमां 31 मार्च 2027 दे बश्कार अधिसूचित न्यायिक सेवा म्तेहानें च बौहने आहलें मेदवार पैहले दी अनुभव बगैर बी म्तेहानें च बेई सकदे ना।

<><><><><><>

Goyal Singapore

बपार ते उद्योग मंत्री पीयूष गोयल होरें सिंगापुर ते पूरे एशिया दे कन्नै आर्थिक सांझेदारी गी होर मजबूत करने ते कारोबारियें मझाटै सहयोग बधाने पर भारत दी प्रतिबद्धता पर जोर पाया ऐ। सिंगापुर च भारत-सिंगापुर कारोबारी मंच गी संबोधित करदे होई गोयल होरें भारत दी मजबूत आर्थिक विकास जात्तरा निवेश दे मौके ते प्रधानमंत्री नरेंद्र मोदी हुंदे नेतृत्व च कारोबार सोक्खा बनाने लेई सरकार दे जत्तें दा उल्लेख कीता।

<><><><><>

Pharmasucuticals

फार्मास्यूटिकल्स मैहकमे दे सचिव मनोज जोशी होरें चिकित्सा उपकरण उद्योग सोयां विनियाम ढांचे गी बेहतर बनाने लेई सक्रिय भूमिका निभाने दा आग्रह कीता ऐ। नमीं दिल्ली च सी.आई.आई ग्लोबल मेडटेक सम्मेलन च जोशी होरें आखेआ जे विनियाम कन्नै जुडी दी चर्चाएं च उद्योग दी भागीदारी फिलहाल सीमित ऐ। उनें इस सरबंध च उद्योग ते सरकार मझाटै मजबूत गल्लबात दी जरूरत पर जोर पाया। उनें आखेआ जे मेडिकल उपकरण इंजीनियरिंग उत्पाद उंदे न जिंदी गुणवत्ता डिजाइन विनिर्माण ते परीक्षण पर निर्भर करदी ऐ।

<><><><><>

Prahlad PM Kussum

केंद्री मंत्री प्रहलाद जोशी होरें पी.एम कुसुम योजना दे अगले गेड़ दी कार्यायोजना पर चर्चा लेई अधिकारियें कन्नै बैठक दी अध्यक्षता कीतीं सोशल मीडिया दी इक पोस्ट च जोशी होरें दस्सेआ जे कल होई दी बैठक च योजना दे अगले गेड़ च कृषि वोल्टेज गी होर बढ़ावा देने पर चर्चा होई। एग्री वाल्टेइक जिमी दा दौरा उपयोग ऐ जिसी फसलें दे विकास जा पशुएं दे चरणें लेई पर्याप्त उंचाई पर सौर पैनल लाइयै एहू विधि सीमित भूमि पर खाद्य ते उर्जा प्रणालिएं मझाटै संघर्ष गी रोकदी ऐ। उनें दस्सेआ जे पी.एम कुसुम योजना दे अंतर्गत हूनै तगर देसै च 27 लख शा मते पंपें दा सौर उर्जा कोला संचालन कीता जाई चुकेआ ऐ।

<><><><><>

Brics Ism Minister Meet

ब्रिक्स पर्यटन मंत्रिणं दी बैठक जयपुर च अज्ज शुरू होई। भारत दी अध्यक्षता च आयोजित इस बैठक च ब्रिक्स सदस्य देशें दे पर्यटन मंत्री ते सीनिरय मिम्बर हिस्सा लै करदे ना। केंद्री संस्कृति ते सैलसफा मंत्री गजेंद्र सिंह शेखावत होरें ब्रिक्स पर्यटन मंत्रिणं दा सोआगत कीता। शेखावत होरें सोशल मीडिया पोस्ट च आखेआ जे राजस्थान भारत दी सदियें पुरानी विरासत, जीवंत संस्कृति ते बड़ा मता अतिथि साकार दा उत्कृष्ट उदाहरण ऐ। उनें विश्वास व्यक्त कीता जे अतिथि अपने प्रवास दरान राज्य दी परम्पराएं गी गर्मजोशी ते समृद्धि दा अनुभव करडन।

<><><><><>

Zharkhand H.C

झारखंड हाई कोर्ट नै राज्य सरकार आसेआ जे.एस.एस.सी-सीजीएल ते सी.डी.पी.ओ म्तेहानें दी नियुक्ति गी रद्द करने दे हुक्म पर अंतरिम रोक लाई दिती ऐ। न्यायमर्ति दीपक रोशन दी अदालत नै इस मसले पर राज्य सरकार ते झारखंड लोक सेवा आयोग थमां जवाब मंगेआ ऐ। प्रार्थियें दी भेठा दा कोर्ट च दस्सेआ गेआ जे विज्ञापन ते नियुक्तियें गी चानचक्क रद्द करने दा सरकारी फैसला नियमें दे अनुकूल नेई ऐ। अदालत नै मामले दी अगली सुनवाई 15 सितंबर तय कीती ऐ। इस थमां पैहले कल जे.पी.एस.सी नियुक्तियें गी रद्द करने दे सरकारी हुक्म पर बी हाई कोर्ट नै रोक लाई ही। विद्यार्थी संगठनं जिनें म्तेहानें गी रद्द करने दी मंगें गी लेइयै 26 दिनें तगर आंदोलन कीता हा, आरोप लाया जे सरकार नै फैसला बिना कनूनी सलाह लैते दे कीता, जिसी करी एहू हुक्म कनून जांच च खरा नेई उतरेआ।

<><><><><>

Iranian FM-Eco Threats

ईरान दे विदेश मंत्री अब्बास अरााची होरें अपने देश दे खलाफ कीती जा करदी आर्थिक धमकियें गी खारिज करदे होई आखेआ जे इस चाल्ली दी नकाम नीतियां इरानिएं दे बश्कार होर मती नफरत गी बढावा देग। अराघची हुंदी एह टिप्पणी ट्रम्प हुंदे आसेआ ईरान दे खलाफ होर कठोर आर्थिक धमकियें दे मगरा आई ऐ। सोशल मीडिया पोस्ट च अराघची होरें आखेआ जे इनें धमकियें दा मकसद अमरीकी जनता दा ध्यान घरेलू वित्तीय समस्याएं थमां भटकाना ऐ। उनें आखेआ जे अमरीका दा आर्थिक आतंकवाद वैश्विक अर्थ बवस्था आस्तै खतरा ऐ।

<><><><><><>

Mortar Shell Destroyed

फौज नै पुंछ जिले दे मनकोट सैक्टर च कब्जा रेखा कश दबरंग इलाके च बरामद इक जींदा मोटार गी सुरक्षित तौरा पर नकारा करी दित्ता। अधिकारियें दस्सेआ जे इबराज च सेना दे बम्ब निरोधक दस्ते नै नियंत्रित तरीके कन्नै इसी नकारा कीता। उनें दस्सेआ जे इस अभिजान दरान कुसै गी कोई नुकसान नेई पुज्जा ते नां गै कुसै संपत्ति गी कोई नुकसान होआ ऐ।

<><><><><><>

LG-SKUAST Jammu

उपराज्यपाल मनोज सिन्हा होरें अज्ज स्कास्ट जम्मू च केई नमीं ढांचागत सुविधाएं दी शुरूआत कीती। उनें जे.के.सी.आई.पी तैहत स्टार्टअप आउटरीच कार्यक्रम दी शुरूआत दे मौके पर भाषण बी दित्ता। नमीं सुविधाएं च कुडियें दे रौहने लेई उन्नति होस्टल, राईबाई च ए.आई ते एम.एल सरबंधत इक केंद्र, खुम्बे सरबंधी अनुसंधान ते नवाचार केंद्र, रेशम दे कीडें दी खुबटियें दे उत्पादन लेई इक प्रयोगशाला ते डिजिटल मीडिया ते प्रकाशन केंद्र बगैरा शामिल ना। इस मौके पर बोलदे होई उपराज्यपाल होरें आखेआ जे एह सुविधां छडा ढांचागत विकास गै नेई, सगुआं खित्ते दी नमियें काहडें, उद्यमियें, शोधकर्ताएं ते करसान परोआरें प्रति बचनबद्धता गी बी दर्शादे ना। उनें आखेआ जे राईबाई ते एहदे कन्नै जुडे दे क्षेत्र दुनिया भरै च नवाचार दा अगला बड्डा क्षेत्र ना।

<><><><><><>

SED. Transfer Policy

स्कूली शिक्षा विभाग नै अपने मलाजमें आस्तै पारदर्शिता गी होर बेहतर बनाने दे मकसद कन्नै इक तबादला नीति अधिसूचित कीती ऐ। आकाशवाणी दे जम्मू संवाददाता दी रिपोर्ट मताबक इस नमीं नीति च शैक्षणिक अमला, जेड.ई.ओज, मुख् शिक्षा अधिकारी ते विभाग च इसै चाल्ली दे ओहदें पर तबादलें ते पोस्टिंग्स शामिल होडन। नीति तैहत मैहकमें गी 5 मुख् जोनें च बंडेआ गेआ ऐ जिंदे चा जोन 5 गी बडे मुश्कल ते दुर्गम इलाकें आहली श्रेणी च रक्खेआ गेआ ऐ। जोन-1, जोन-2 ते जोन-3 दे मलाजमें दा कुसै टकोहदे संस्थान च बहोबद्द 3 बरें लेई गै कार्यकाल होग जिसलै के जोन-4 दे मलाजम दा बहोबद्द 2 बरें दा ते जोन-5 आले मलाजमें दा 1 बरें दा कार्यकाल होग।

<><><><><><>

Imran Khan Jail

पाकिस्तान दे साबका प्रधानमंत्री इमरान खान होरें गी अज्ज बडुलै इस्लामाबाद दी इक प्राइवेट अस्पताल च स्वास्थ जांच करने मगरा रावलपिंडी दी अदियाला जेल च वापस भेजी दित्ता गेआ। 18 अगस्त गी सुप्रीम कोर्ट दे हुक्म दा पालन करदे होई खान होरें गी शिफा इंटरनेशनल अस्पताल च दाखल कराया गेआ हा।

<><><><><><>

BWF-Badminton

बैडमिंटन च भारत दी त्रीसा जाली ते गायत्री गोपीचंद नै नमीं दिल्ली च आयोजित बीडब्ल्यूएफ विश्व चैंपियनशिनि दे महिला डबल सेमीफाइनल च अपनी थाहर बनाई लैती ऐ। भारती जोड़ी नै शानदार प्रदर्शन करदे होई गेम च पिछड़ने दे मगरा चौथी रैंकिंग आहली चीन दी यी फैम ते झांग शू गी 16-21, 21-15, 21-13 कन्नै हराया।